



Inatsisartunut ilaasortaq, Aqqaluk Heilmann, Atassut
MAANI

Pinngortitaleriffiup pisassiissutissatut innersuussutigisartagaasa taakkulu malinneqartarnerinut tunngatillugu § 37 naapertorlugu apeqqummut nr. 53-imut akissut

Inatsisartut suleriaasiaanni § 37, imm. 1 naapertorlugu Pinngortitaleriffiup pisassiissutissatut innersuussutigisartagaasa taakkulu malinneqartarnerinut tunngatillugu Naalakkersuisunut apeqqummik saqqummiussa qarputit. Apeqqutit suliassa qarfigisannit akineqartussanngorlugit innersuunneqarput.

Ulloq: 04-02-2019
Suliap normua.;; 2019 - 2160
Akt. nr.: 37932536

Postboks 269
3900 Nuuk
Qqarasuaat (+299)3450 00
Naqitanik nassitsigasuaat
(+299) 34 63 55
E-mail: apnn@nanoq.gl
www.naalakkersuisut.gl

1) Pinngortitaleriffimmiit pisassiissutaasussanik innersuussinerit annertunerusumik Naalakkersuisuniit malinneqartalissappata qanoq iliuuseqartoqartariaqarpa?

Apeqqummut 1-imut) Aqutsinissamut pilersaarutit ersarissakkamik naleqqussakkat innuttaasunut, qinikkanut allaffissortunullu takutissavaat aqutsinissamut pilersaarutini anguniakkat aalajangiunneqartut pillugit. Aamma uumasooqatigiit pineqartut aqunneqarnerannut ilisimasat suut tunngavigineqarnerisut. Uumassusilerisut innersuussinerat pineqarpat najukkamiluunniit ilisimasat pineqarpata. Aqutsinissamut pilersaarutip naleqqussarneqartuarnerrata qulakkiissavaa sakkussat nutarterneqartuarnerrata. Pilersaarutip takutissavaa sutigut iluarsiiissutinik liliuuseqartossanersoq, taamaalilluni anguniakkat anguneqarnissaannut qulakkeerisoqassalluni. Taamaasilluni piffissap ingerlanerani allanngortoqaraluartoq pilersaarut naammassineqarsinnaassaaq, ilisimasallu nutaat ilanngunneqarlutik. Matumuuna naalakkersuineramik ingerlatsisut tikkuunneqassapput qanoq iliuuseqassanerlutik innersuussinerimi ikilitsisisoqarpat amerlitsisisoqarpalluunniit.

Taamaasiornikkut aqutsinissamut pilersaarutit aqutsinissami pingaarnertut sakkussatut atornerqarnerisigut uumassusilerituut siunnersuutaannut naapertuutilissapput. Tamatumani saniatigut MSC-imik nalunaaqutsersuisarnerit aammalu aalisakkanik piniakkanillu aqutsinissamik nunat tamalaat isumaqatigiissuteqartillugit mianersornerusumik aqutsinissamut tunngavissiissapput.

Piniakkanik killilersuisarnermut, peqassutsinik piujuartitsinermik aallaaveqarluni siunnersuisarnermut kiisalu Naalakkersuisut aalajangernissaannut tunngaviusartut pillugit annertunerusumik paasisaqarusuttunut § 37 nr. 309-2018 akissut innersuussutigirusuppaa. Ilutigalugu Naalakkersuisooqatigiinnissamik Isumaqatigiissummi piniagassat piujuaannartitsineq tunngavigalugu atorluarneqarnissaat pillugu immikkoortumut innersuussisoqarpoq, piniarneq aallaaniarnerlu pillugit inatsimmi, aalisarneq pillugu inatsimmi aamma pinngortitamik illersuineq pillugu inatsimmi atuuttumi siunertassamut paragraffini tunngavilersorneqartut.

2) Uumassusilerituut sukumiinerusumik annertusisamillu piniagassanik aalajangerimasunik misissuiteqqinneqassappata qanoq aningaasartuuteqarnerulersinnaanerit naatsorsuutigineqarsinnaava?

2-mut) Apeqquut 2) Pinngortitalerfimmit akineqartussanngorlugu ingerlateqqinneqarsimavoq:

”Aningaasanut inatsimmi aningaasaliissutit 64 mio. kr-t missaannik amerlassusillit aalisakkat piniagassallu pingaarnerit aalajangersimasumik kisinneqartarnissaannut atorneqartarput. Nannulli misissuiffigineqartarneri tassani ilaanngillat taakku avataaniit DANCEA-miit aningaasaliiffigineqartarmata. Tuttunut tunngasut aamma tassani ilaanngillat, tuttummi ataavartumik kisinneqartarnerat 2015-imi sipaaruteqarniarnermi peerneqarsimammata. Timmissani appat, taateraata ilaatigullu mitit misissugaasarnerat aningaasanut inatsisitigut matussusigaapput.

Pinngortitaleriffiup isumaa naapertorlugu piniagassat pingaarnerit eqqarsaatigalugit ataavartumik kisitsisarnerit tutsuiginartumik kiisalu illersorneqarsinnaasumik siunnersuisarnissamut pingaaruteqaqaat aammalu pitsaassuseqarluartumik siunnersuinissap ingerlanneqarnissaa nunani tamalaani kattuffinnit qulakkeerneqartartoq. Taamaattorli timmissat, tutut umimmaallu pillugit siunnersuinerit pitsaassusaat nunanit tamalaanit misissoqqinneqarneq ajorput. Tutut umimmaallu eqqarsaatigalugit ataavartumik aalajangersimasumillu siunnersuiffigineqartassappata sumi misissuisoqarnissaa apeqqutaalluni ukiumut immikkut 150.000 aammalu 650.000 kr.-t akornanni amerlatigisunik aningaasaliisoqartariaqassaaq.

Miluumasut timmissallu pillugit siunnersuinissamut immikkut ittunik kisitsinerit, sumunnartarnerisut misissuiffigineqarnissaat, timaasa sannaavi suminngaaneernej pisutigalugu allaassuseqarnerisut paasiniarnissaannut avataaniit aningaasaliiffigineqarnissaq pinngitsoorneqarsinnaaneq ajorpoq. Tamakkua ingerlatsinermut annertuumik tunngasuunerat pissutigalugu avataaniit aningaasanik pissarsinissaq ajornakusoortaaq.

Ilisimasat siunnersuinerni aallaavigineqartartut assuarineqarnerat pillugu annertunerusumik sukumiinerusumillu misissuisoqassappat immikkut aningaasaliiffigineqarnissaq pisariaqartarpoq. Immikkut aningaasaliiffiginninnissaq eqqarsaatigalugu uumasut sorliit pingaarnerutinneqassanersut apeqqutaasarpoq. Immikkullu misissugassat suuneri qanorlu misissorneqarnissaat uumasumiit uumasumut assigiinngittuaannarmata, uumasut sorliit pingaarnerutillugit misissuiffigineqartassanersut oqartussaniit aalajangiiffigineqarnerat apeqqutaatillugu, immikkut aningaasaliissutaasinnaasut qanorpiq amerlatigissanersut eqqarsaatigalugu kisitsimmik taasinissaq siumoortumik oqaatigiuminaappoq.”

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq



22. januar 2019

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

- 1. Pinngortitaleriffimmiit pisassiissutaasussanik innersuussinerit annertunerusumik Naalackersuisuniit malinneqartalissappata qanoq iliuseqartoqartariaqarpa?**
- 2. Uumasorsiuut sukumiinerusumik annertusisamillu piniagassanik aalajangerimasunik misissuiteqqinneqassappata qanoq aningaasartuuteqarnerulersinnaanerat naatsorsuutigineqarsinnaava?**

(Inatsisartuni ilaasortaq Aqqaluk Heilmann, Atassut)

Tungavilersuut:

Innuttaasuniit piniartuniit aalisartuniit Naalackersuisuniillu pinngortitaleriffiup uumasunik aalisakkanillu piniagassaasunik innersuussisarnerat annertunerusumik tatigineqarnerulissappat, qanoq iliortoqarsinnaanera paaserusullugu apeqquuteqaateqarpunga.

Piniartut uumasorsiuullu akkerliittutut isiginiarneqartarnerat pinaveersaartissagaanni iliuseqartoqartariaqarpoq. Uanilu paaserusupparput assersuutigalugu annertunerusumik aningaasaliigutta sukumiinerusumillu misissuineq ingerlanneqartartuuppat, piniartuniit aalisartuniillu uumasorsiuunut tatiginnineq annertusissanersoq.

Kissaatigivara ullut suliffiusut qulit qaangiutinnginneranni akissuteqarfigineqarnissara.